


T. 2571/3202d (35)





HARVARD-YENCHING LIBRARY  
HARVARD UNIVERSITY  
2 DIVINITY AVENUE

*Prof. F. Cleaves*

APR 17 1970



列傳第二十一

晉書五十一

御撰

皇甫謐

子方回



皇甫謐字士安幼名靜安定朝那人漢太尉嵩之曾孫也出後叔父徙居新安年二十不好學游蕩無度或以為癡嘗得瓜果進所後叔母任氏任氏曰孝經云三牲之養猶為不孝汝今年餘二十目不存教心不入道無以慰我因歎曰昔孟母三徙以成仁曾父身豕以存教豈我居不擇鄰

哈佛大學 哈佛燕京圖書館藏



教有所闕何爾魯鈍之甚也修身篤學自  
汝得之於我何有因對之流涕謚乃感激  
就鄉人席坦受書勤力不怠居貧躬自稼  
穡帶經而農遂博綜典籍百家之言沈靜  
寡欲始有高尚之志以著述爲務自號玄  
晏先生著禮樂聖直之論後得風痺疾猶  
手不輟卷或勸謚修名廣交謚以爲非聖  
人孰能兼存出處居田里之中亦可以樂  
堯舜之道何必崇接世利事官鞅掌然後

爲名乎作玄守論以答之曰或謂謚曰富  
貴人之所欲貧賤人之所惡何故委形待  
於窮而不變乎且道之所貴者理世也人  
之所羨者及時也先生年邁齒變饑寒不  
贍轉死溝壑其誰知乎謚曰人之所至惜  
者命也道之所必全者形也性形所不可  
犯者疾病也若擾全道以損性命安得去  
貧賤存所欲哉吾聞食人之祿者懷人之  
憂形強猶不堪况吾之弱疾乎且貧者士



之常賤者道之實處常得實沒齒不憂孰  
與富貴擾神耗精者乎又生爲人所不知  
死爲人所不惜至矣暗龍身之徒天下之有  
道者也夫一人死而天下踴者以爲損也  
一人生而四海笑者以爲益也然則踴笑  
非益死損生也是以至道不損至德不益  
何哉體足也如迴天下之念以追損生之  
福運四海之心以廣非益之病豈道德之  
至乎夫唯無損則至堅矣夫唯無益則至

厚矣堅故終不損厚故終不薄苟能體堅  
厚之實居不薄之真以乎損益之外游乎  
形骸之表則我道全矣遂不仕耽翫典籍  
忘寢與食時人謂之書淫或有箴其過篤  
將損耗精神謚曰朝聞道夕死可矣况命  
之修短分定懸天乎叔父有子既冠謚年  
四十喪所生後母遂還本宗城陽太守梁  
柳謚從姑子也當之官人勸謚餞之謚曰  
柳爲布衣時過吾吾送迎不出門食不過



鹽菜貧者不以酒肉為禮今作郡而送之  
是貴城陽太守而賤梁柳豈中古人之道  
是非吾心所安也時魏郡召上計掾舉孝  
廉景元初相國辟皆不行其後鄉親勸令  
應命謚為釋勸論以通志焉其辭曰相國  
晉王辟余等三十七人及泰始登禪同命  
之士莫不畢至皆拜騎都尉或賜爵關內  
侯進奉朝請禮如侍臣唯余疾困不及國  
寵宗人父兄及我寮類咸以為天下大慶

萬姓賴之雖未成禮不宜安寢繼其疾篤  
猶當致身余唯古今明王之制事無巨細  
斷之以情實力不堪豈慢也哉乃伏枕而  
歎曰夫進者身之榮也退者命之實也設  
余不疾執高箕山尚當容之况余實篤故  
堯舜之世士或收迹林澤或過門不敢入  
咎繇之徒兩遂其願者遇時也故朝貴致  
功之臣野羨全志之士彼獨何人哉今聖  
帝龍興配名前哲仁道不遠斯亦然乎客



或以常言見逼或以逆世為慮余謂上有  
寬明之主必有聽意之人天網恢恢至否  
一也何尤於出處哉遂究賓主之論以解  
難者名曰釋勸客曰蓋聞天以懸象致明  
地以含通吐靈故黃鍾次序律呂分形是  
以春華發萼夏繁其實秋風逐暑冬冰乃  
結人道以之應機乃發三材連利明若符  
契故士或同升於唐朝或先覺於有莘或  
通夢以感主或釋釣於渭濱或叩角以干

齊或解褐以相秦或冒謫以安鄭或乘駟  
以救屯或班荆以求友或借術於黃神故能  
電飛景拔超次邁倫騰高聲以奮遠抗宇  
宙之清音由此觀之進德貴乎及時何故  
屈此而不伸今子以英茂之才游精於六  
藝之府散意於衆妙之門者有年矣既遭  
皇禪之朝又投祿利之際委聖明之主偶  
知己之會時清道真可以冲邁此真吾生  
濯髮雲漢鴻漸之秋也韜光逐藪含章未



曜龍潛九泉磴然執高棄通道之遠由守  
介人之局操無乃乖於道之趣乎且吾聞  
招搖昏迴則天位正五教班叙則人理定  
如今王命切至委慮有司上招迓主之累  
下致駭衆之疑達者貴同何必獨異群賢  
可後何必守意方今同命並臻饑不待食  
振藻皇塗咸秩天官子獨擗遲衡門放形  
世表遜遜丘園不睨華好惠不加人行不  
合道身嬰天疾性命難保若其義和促續

大火西頽臨川恨晚將復何階夫貴陰  
璧聖所約也顛倒衣裳明所箴也子其鑒  
先哲之洪範副聖朝之虚心冲靈翼於雲  
路浴天池以濯鱗排閭闔步玉岑登紫闥  
侍北辰翻然景曜雜沓英塵輔唐虞之主  
化堯舜之人宣刑錯之政配殷周之臣銘  
功景鍾叅叙彞倫存則鼎食亡爲貴臣不  
亦茂哉而忽金白之輝曜忘青紫之班璘  
辭容服之光粲抱弊褐之終年無乃勤乎



主人笑而應之曰吁若賓可謂目外觀之  
暉暉未覩幽人之髣髴也見俗人不容  
未喻聖皇之兼愛也循方圓於規矩未知  
大形之無外也故曰天之而清地靜而寧  
含羅萬類旁薄羣生寄身聖世託道之靈  
若夫春以陽散冬以陰凝泰液含光元氣  
混蒸衆品仰化誕制殊徵故進者享天祿  
處者安丘陵是以寒暑相推四宿代中陰  
陽不治運化無窮自然分定兩克厥中二

物俱靈是謂大同彼此無怨是謂至通若  
乃衰周之末貴詐賤誠牽於權力以利要  
榮故蘇子出而六主合張儀入而橫勢成  
廉頗存而趙重樂毅去而燕輕公叔沒而  
魏敗孫臏削而齊寧蠡種親而越霸屈子  
踈而楚傾是以君無常籍臣無定名損義  
放誠一虛一盈故馮以彈劍感主女有反  
賜之說項奮拔山之力崩陳鼎足之勢東  
郭劫於田榮顏闔耻於見逼斯皆棄禮喪



真苟榮朝夕之急者也豈道化之本與若  
乃聖帝之創化也叅德乎二皇齊風乎虞  
夏欲溫溫而和暢不欲察察而明切也欲  
混混若玄流不欲蕩蕩而名發也欲索索  
而條解不欲契契而繩結也欲芒芒而無  
垠際不欲區區而分別也欲闇然而內章  
不欲示白若冰雪也欲醇醇而任德不欲  
瑣瑣而執法也是以見機者以動成好遜  
者無所迫故曰一明一昧得道之槩一弛

一張合禮之方一浮一沈兼得其真故上  
有勞謙之愛下有不名之臣朝有聘賢之  
禮野有遜竄之人是以支伯以幽疾距唐  
李老寄迹於西鄰顏氏安陋以成名原思  
娛道於至貧榮期以三樂感尼父黔婁定  
謚於布衾干木偃息以存魏荆萊志邁於  
江岑君平因著以道著四皓潛德於洛濱  
鄭真躬耕以致譽幼安發令乎今人皆持  
難奪之節執不迴之意遭拔俗之主全彼



人之志故有獨定之計者不借謀於衆人  
守不動之安者不假慮於羣賓故能棄外  
親之華通內道之真去顯顯之明路入昧  
昧之埃塵宛轉萬情之形表排託虛寂以  
寄身居無事之宅交釋利之人輕若鴻毛  
重若泥沈損之不得測之愈深真吾徒之  
師表余迫疾而不能及者也子議吾失宿  
而駭衆吾亦怪子較論而不折中也夫才  
不周用衆所斥也寢疾彌年朝所棄也是

以胥克之廢丘明列焉伯牛有疾孔子斯  
歎若黃帝創制於九經岐伯剖腹以蠲腸  
扁鵲造號而尸起文摯徇命於齊王醫和  
顯術於秦晉倉公發祕於漢皇華佗存精  
於獨識仲景垂妙於定方徒恨生不逢乎  
若人故乞命訴乎明王求絕編於天錄亮  
我躬之辛苦冀微誠之降霜故俟罪而窮  
處其後武帝頻下詔數逼不已謚上疏自  
稱草莽臣曰臣以疴弊迷於道趣因疾抽



簪散髮林阜人網不閑鳥獸為群陛下披  
榛採蘭并收蒿艾是以臯陶振褐不仁者  
遠臣惟頑蒙脩食晉粟猶識唐人擊壤之  
樂宜赴京城稱壽闕外而小人無良致災  
速禍久嬰篤疾軀半不仁右脚偏小十有  
九載又服寒食藥違錯節度幸苦荼毒于  
今七年隆冬裸袒食米當暑煩悶加以咳逆  
或若溫瘧或類傷寒浮氣沱腫四肢酸重  
於今困劣救命呼喻父兄見出妻息長訣

仰迫天威扶輿就道所苦加焉不任進路  
委身待罪伏枕歎息臣聞韶衛不並奏雅  
鄭不兼御故郤子入周禍延王叔虞丘稱  
賢樊姬掩口君子小人禮不同器况臣糠  
藿糲之彫胡庸夫錦衣不稱其服也竊聞  
同命之士咸以畢到唯臣疾疢抱釁牀蓐  
雖貪明時懼斃命路隅設臣不疾已遭堯  
舜之世執志箕山猶當容之臣聞上有明  
聖之主下有輸實之臣上有在寬之政下



有委情之人唯陛下留神垂恕更旌瓌俊  
索隱於傳嚴收釣於渭濱無令泥滓久濁  
清流謚辭切言至遂見聽許歲餘又舉賢  
良方正並不起自表就帝借書帝送一車  
書與之謚雖羸疾而披閱不怠初服寒食  
散而性與之忤每委頓不倫嘗悲恚叩刃  
欲自殺叔母諫之而止濟陰太守蜀人文  
立表以命士有贄爲煩請絕其禮幣詔從  
之謚聞而歎曰亡國之大夫不可與圖存

而以革歷代之制其可乎夫束帛交交易  
之明義玄纁之贄自古之舊也故孔子稱  
夙夜強學以待問席上之珍以待聘士於  
是乎三揖乃進明致之難也一讓而退明  
去之易也若殷湯之於伊尹文王之於太  
公或身即莘野或就載以歸唯恐禮之不  
重豈吝其煩費哉且一禮不備貞女耻之  
况命士乎孔子曰賜也爾愛其羊我愛其  
禮棄之如何政之失賢於此乎在矣咸寧



初又詔曰男子皇甫謐沈靜履素守學好古與流俗異趣其以謚為太子中庶子謚固辭篤疾帝初雖不奪其志尋復發詔徵為議郎又召補著作郎司隸校尉劉毅請為功曹並不應著論為葬送之制名曰篤終曰玄晏先生以為亡存天地之定制人理之必至也故禮六十而制壽至于九十各有等差防終以素豈流俗之多忌者哉吾年雖未制壽然嬰疾彌紀仍遭喪難神

氣損劣困頓數矣常懼天墮不期慮終無素是以畧陳至懷夫人之所貪者生也所惡者死也雖貪不得越期雖惡不可逃遁人之死也精歇形散魂無不之故氣屬於天寄命終盡窮體反真故尸藏于地是以神不存體則與氣升降尸不久寄與地合形形神不隔天地之性也尸與土并反真之理也今生不能保七尺軀死何故隔棺之土然則衣衾所以穢尸棺槨所以隔真故



相司馬石椁不如速朽季孫璵璠比之暴  
骸文公厚葬春秋以為華元不臣楊王孫  
親土漢書以為賢於秦始皇如今魂必有  
知則人鬼異制黃泉之親死多於生必將  
備其器物用待亡者今若以存況終非即  
靈之意也如其無知則空奪生用損之無  
益而啓奸心是招露形之禍增亡者之毒  
也夫葬者藏也藏也者欲人之不得見也  
而大為棺槨備贈存物無異於埋金路隅

而書表於上也雖甚愚之人必將笑之豐  
財厚葬以啓姦心或剖破棺槨或牽曳形  
骸或骨槨金環或捫腸求珠玉焚如之  
形不痛於是自古及今未有不死之人又  
無不發之墓也故張釋之曰使其中有欲  
雖固南山猶有隙使其其中無欲雖無石槨  
又何戚焉斯言達矣吾之師也夫贈終加  
厚非厚死也生者自為也遂生意於無益  
棄死者之所屬知者所不行也易稱古之



葬者衣之以新葬之中野不封不樹是以  
死得歸真亡不損生故吾欲朝死夕葬夕  
死朝葬不設棺槨不加纏斂不修沐浴不  
造新服殯含之物一皆絕之吾本欲露形  
入阬以身親土或恐人情染俗來以頓革  
理難今故狃爲之制奢不石槨儉不露形  
氣絕之後便即時服幅巾故衣以籩條裹  
尸麻約二頭置尸牀上擇不毛之地穿坑  
深十尺長一丈五尺廣六尺阬訖舉牀就

阬去牀下尸平生之物皆無自隨唯齋羞  
經一卷示不忘孝道籩蔭之外便以親土  
土與地平還其故草使生其上無種樹木  
削除使生迹無處自求不知不見可欲則  
奸不生心終始無怵惕千載不慮患形骸  
與後土同體魂爽與元氣合靈真萬愛之  
至也若亡有前後不得移柩柩葬自周公  
來非古制也舜葬蒼梧二妃不從以爲一  
定何必周禮無問師工無信卜筮無拘俗



言無張神坐無十五日朝夕上食禮不墓  
祭但月朔於家設席以祭百日而止臨必  
昏明不得以夜制服常居不得墓次夫古  
不崇墓智也今之封樹愚也若不從此是  
戮尸地下死而重傷魂而有靈則冤悲沒  
世長為恨鬼王孫之子可以為誠死誓難  
違幸無改焉而竟不仕太康三年卒時年  
六十八子童靈方回等遵其遺命謚所著  
詩賦誄頌論難甚多又撰帝王世紀年歷

高士逸士列女等傳玄晏春秋並書於世  
門人摯虞張軌牛綜席純皆為晉名臣  
方回少遵父操兼有文才永嘉初博士徵  
不起避亂荊州閉戶閑居未嘗入城府蠶  
而後衣耕而後食先人後已尊賢愛物南  
土人士咸崇敬之刺史陶侃禮之甚厚侃  
每造之著素士服望門輒下而進王敦遣  
從弟虞代侃遷侃為廣州侃將詣敦方回  
諫曰吾聞敵國滅功臣亡足下新破杜弢



功莫與二欲無危其可得乎侃不從而行  
軫果欲殺侃賴周訪獲免廩既至荊州大  
失物情百姓叛廩迎杜弢廩大行誅戮以  
立威以方回爲侃所敬責其不來詣已乃  
収而斬之荆土華夷莫不流涕

### 摯虞

摯虞字仲洽京兆長安人也父模魏太僕  
卿虞少事皇甫謐才學通博著述不倦郡  
檄主簿虞嘗以死生有命富貴在天天之

所祐者義也人之所助者信也履信思順  
所以延福違此而行所以速禍然道長世  
短禍福糾錯怵迫之徒不知所守蕩而積  
憤或迷或放故借之以身假之以事先陳  
處世不遇之難遂棄彝倫輕舉遠游以極  
常人罔惑之情而後引之以正反之以義  
推神明之應於視聽之表崇否泰之運於  
智力之外以明天任命之不可違故作思  
游賦其辭曰有軒轅之遐宵兮氏仲壬之



洪裔敷華頽於末葉兮唏靈根於上世準  
乾坤以幹度兮儀陰陽以定制匪時運其  
馬行兮乘大虛而遙曳戴朗月之高冠兮  
綴太白之明璜製文霓以為衣兮襲采雲  
以為裳要華電之煜燿兮珮玉衡之琳琅  
明景日以鑒形兮信煥曜而重光至美詭  
好於凡觀兮脩稀合而靡呈燕石緹襲以  
華國兮和璞遥棄於南荆夏仁韜塵于市  
北兮瓶壘抗方於兩楹鸞皇耿介而偏栖

兮蘭桂背時而獨榮關寒暑以練真兮豈  
改容而爽情感昆吾之易越兮懷暉光之  
速暮羨一稔而三春兮尚含英以容豫悼  
曜靈之靡暇兮限天晷之有度聆鳴蜩之  
號節兮恐墮葉於凝露希前軌而增騫兮  
眷後塵而旋顧往者倏忽而不逮兮來者  
冥昧而未著一儀泊焉其無央兮四節環  
轉而靡窮星鳥逝而時反兮夕景潛而且  
融旻三后之在天兮歎聖哲之永終諒道



修而命微兮孰舍盈而戢冲握隋珠與蕙  
若兮時莫悅而未遑彼未遑其何恤兮懼  
獨美之有傷蹇委深而投粵兮庶芬藻之  
不彰芳處幽而彌馨兮寶在夜而愈光逼  
區內之迫脅兮思摠翼乎八荒望雲階之  
崇壯兮願輕舉而高翔造庖犧以問象兮  
辨吉繇於姬文將遠游於太初兮鑒形魄  
之未分四靈儼而爲衛兮六氣紛以成羣  
駢白獸於商風兮御蒼龍於景雲簡廝徒

於靈囿兮從馮夷而問津召陵陽於游谿  
兮旌王子於柏人前祝融以掌燧兮殿玄  
冥以掩塵形影影而遂遐兮氣豐豐而愈  
新挹玉膏於萊嶠兮掇芝英於瀛濱揖太  
昊以假馱兮聽賦政於三春洪範翕而復  
張兮百卉隕而更震睇玉女之紛影兮執  
懿筐於扶木覽玄象之鞞羣兮仍騰躍乎  
陽谷吸朝霞以療飢兮降廩泉而濯足將  
縱轡以逍遙兮恨東極之路促詔織阿而



右迴兮覲朱明之赫戲莅群神於夏庭兮  
迴蒼梧而結知纒焦明以承旂兮馭天馬  
而高馳讒羲和於丹丘兮誚倒景之亂儀  
尋凱風而南暨兮謝太陽於炎離戚溽暑  
之陶鬱兮余安能乎留斯聞碧雞之長晨  
兮吾將往乎西游奧浮鷁於弱水兮泊舳  
艫於中流苟精粹之攸存兮誠沈羽以汎  
舟軼望舒以陵厲兮羌神漂而氣浮訊碩  
老於金室兮采舊聞於前脩譏淪陰於危

山兮問王母於椒丘觀玄鳥之參趾兮會  
根壹之神籌擾冕兔於月窟兮詰姮娥於  
蓐收爰攬轡而旋驅兮訪北叟之倚伏乘  
增冰而遂濟兮凌固陰之所瀉探龜蛇於  
幽穴兮瞰罔養之潛育哂倏忽之躁狂兮  
喪中黃於耳目倂燭龍而游衍兮窮大明  
於北陸攀招搖而上躋兮忽蹈廓而凌虛  
登閭闔而遺眷兮頰玄黃於地輿召黔雷  
以先導兮覲天帝於清都觀渾儀以寓目



方拊造化之大鑪爰辨惑於上皇兮稽吉  
凶之元符唐則天而民咨兮癸亂常而感  
虞孔揮涕於西狩兮臧考祥於婁句跼肆  
暴而保乂兮顏履仁而夙徂何不泰之靡  
所兮眩榮辱之不圖運可期兮不可思道  
可知兮不可為求之者勞兮欲之者惑信  
天任命兮理乃自得且以四位為匠乾以  
為均散而為物結而為人陽降陰升一替  
一與涼而為川滯而為陵禍不可攘福不

可徵其不号有豫其泰兮有數成形兮未  
察靈像兮已固承明訓以發蒙兮審性命  
之靡求將澄神而守一兮奚颺颺而遐游  
斐陳辭以告退兮主悖惘而來歎惟升降  
之不仍兮詠別易而會難願大響以致好  
兮盍息駕於一食會司儀於有始兮延嘉  
賓於九乾陳鈞天之廣樂兮展萬舞之至  
歡枉矢鑠其在手兮狼弧翺其斯彎睨翟  
犬於帝側兮殪熊羆於靈軒爾乃清道夙



蹕載輪脩祖班命授號轎整旅兆司鬱  
以屆路兮萬靈森而陳庭豐隆軒其盛  
兮鉤陳帥以屬兵堪輿竦而進時兮文昌  
肅以司行抗蚩尤之脩旃兮建雄虹之采  
旌乘重軍電鞭之扶輿委移兮駕應龍青  
虬之容喬陸離俯游光逸景條爍徽霍兮  
仰流旌垂旒焱攸攝纚前湛湛而攝進兮  
後傑傑而方馳且啓行於重陽兮奄稅駕  
乎少儀跨列缺兮闚乾以揮玉關兮出天

門涉漢津兮望崑崙經赤霄兮臨玄根觀  
品物兮終復魂形已消兮氣猶存眺懸舟  
之離離兮懷舊都之藹藹仍繁榮而督引  
兮將遄降而速邁華雲依霏而翼衡兮日  
月炫晃而映蓋蹈烟煜兮辭天衢心闔扇  
兮識故居路遂適兮情欣欣奄忽歸兮反  
常閭脩中和兮崇彝倫大道繇兮味琴書  
樂自然兮識窮達澹無思兮心恒娛舉賢  
良與夏侯湛等十七人策爲下第拜中郎



武帝詔曰省諸賢良荅策雖所言殊塗皆  
明於王義有益政道欲詳覽其對究觀賢  
士大夫用心因詔諸賢良方正直言會東  
堂策問曰頃日食正陽水旱為災將何所  
修以變大眚及法令有不宜於今為公私  
所患苦者皆何事凡平世在於得才得才  
者亦借耳目以聽察若有文武器能有益  
於時務而未見申叙者各舉其人及有負  
俗謗議宜先洗濯者亦各言之虞對曰臣

聞古之聖明原始以要終體本以正末故  
憂法度之不當而不憂人物之失所憂人  
物之失所而不憂災害之流行誠以法得  
於此則物理於彼人和於下則災消於上  
其有日月之眚水旱之災則反聽內視求  
其所由遠觀諸物近驗諸身耳目聽察豈  
或有蔽其聰明者乎動心出令豈或有傾  
其常正者乎大官大職豈或有授非其人  
者乎賞罰黜陟豈或有不得其所者乎河



濱山巖豈或有懷道釣築而未感於夢兆者乎方外遐裔豈或有命世傑出而未蒙膏澤者乎推此類也以求其故詢事考言以盡其實則天人之情可得而見咎徵之至可得而救也若推之於物則無忤求之於身則無尤萬物理順內外咸宜祝史正辭言不負誠而日月錯行天厲不戒此則陰陽之事非吉凶所在也期運度數自然之分固非人事所能供御其亦振廩散滯

聚食省用而已矣是故誠遇期運則雖陶唐殷湯有所不變苟非期運則宋衛之君諸侯之相猶能有感唯陛下審其所由以盡其理則天下幸甚臣生長華門不逮異物雖有賢才所未接識不敢瞽言妄舉無以疇咨聖問擢為太子舍人除聞喜令時天子留心正道又吳寇新平天下乂安上太康頌以美晉德其辭曰於休上古人之資始四隩咸宅萬國同軌有漢不競喪亂



靡紀畿服外叛侯衛內圮天難既降時  
惟鞠凶龍戰獸爭分裂遐邦備僭岷蜀度  
逆海東權乃緣間割據三江明明上帝臨  
下有赫乃宣皇威致天之辟奮武遼隧罪  
人斯獲撫定朝鮮奄征韓貊文既應期席  
卷梁益元愍委命九夷重譯叩冉哀牢是  
焉底績我皇之登二國既平靡適不懷以  
育群生吳乃負固放命南寘聲教未暨弗  
及王靈皇震其威赫如雷霆截彼江沔荆

舒以清貌矣聖皇參乾兩離陶化以正取  
亂以竒耀武六旬輿徒不疲飲至數實干  
旄無虧洋洋四海率禮和樂穆穆宮廟歌  
雍詠鑠光天之下莫匪帝略窮髮反景承  
正受朔龍馬駸駸風于華陽弓矢橐服干  
戈戢藏嚴嚴南金業業餘皇雄劍班朝造  
舟爲梁聖明有造定代天工天地不違黎  
元時邕三務斯協用底厥庸既遠其迹將  
明其蹤喬山惟嶽望帝之封猗歟聖帝胡



不封哉以毋憂解職久之召補尚書郎將  
作大匠陳勰掘地得古尺尚書奏今尺長  
於古尺宜以古爲正潘岳以爲習用已久  
不宜復改虞駁曰昔聖人有以見天下之  
賾而擬其形容象物制器以存時用故參  
天兩地以正筭數之紀依律計分以定長  
短之度其作之也有則故用之也有徵考  
步兩儀則天地無所隱其情準正三辰則  
懸象無所容其謬施之金石則音韻和諧

措之規矩則器用合宜一本不差而萬物  
皆正及其差也事皆反是今尺長於古尺  
幾於半寸樂府用之律呂不合史官用之  
歷象失占醫署用之孔穴垂錯此三者度  
量之所由生得失之所由生皆結闕而不  
得通故宜改今而從古也唐虞之制同律  
度量衡仲尼之訓謹權審度今兩尺並用  
不可謂之同知失而行不可謂之謹不同  
不謹是謂謬法非所以軌物垂則示人之



極凡物有多而易改亦有少而難變亦有  
改而致煩有變而之簡度量是人所常用  
而長短非人所戀惜是多而易改者也正  
失於得反邪於正一時之變永世無二是變  
而之簡者也憲章成式不失舊物季末苟  
合之制異端雜亂之用當以時釐改貞夫  
一者也臣以爲宜如所奏又表論封禪見  
禮志虞以漢末喪亂譜傳多亡失雖其子  
孫不能言其先祖撰族姓昭穆十卷上疏

進之以爲足以備物致用廣多聞之益以  
定品違法爲司徒所劾詔原之時太廟初  
建詔普增位一等後以主者承認詔失旨改  
除之虞上表曰臣聞昔之聖明不愛千乘  
之國而惜桐葉之信所以重至尊之命而  
達於萬國之誠也前乙巳赦書遠稱先帝  
遺惠餘澤普增位一等以酬四海欣戴之  
心驛書班下被于遠近莫不鳥騰魚躍喜  
蒙德澤今一旦更以主者思文不審收既



往之詔奪已澍之施臣之愚心竊以為不可詔從之元康中選吳王友時荀顗撰新禮使虞討論得失而後施行元皇后崩杜預奏諒闇之制乃自上古是以高宗無服喪之文而唯文稱不言漢文限三十六日魏氏以降既虞為節皇太子與國為體理宜釋服卒哭便除虞答預書曰唐稱遏密躬云諒闇各舉事以為名非既葬有殊降周室以來謂之喪服喪服者以服表喪今

帝者一日萬機太子監撫之重以宜奪禮葬訖除服變制通理垂典將來何必附之於古使老儒致爭哉皇太孫尚薨有司奏御服齊衰朞詔令博士議虞曰太子生舉以成人之禮則殤理除矣太孫亦體君傳重由位成而服全非以年也從之虞又議王輅兩社事見輿服志後歷祕書監衛尉卿從惠帝幸長安及東軍來迎百官奔散遂流離鄠杜之間轉入南山中糧絕餓甚



拾橡實而食之後得還洛歷光祿勳太常  
卿時懷帝親郊自元康以來不親郊祀禮  
儀弛廢虞考正舊典法物粲然及洛京荒  
亂盜竊縱橫人饑相食虞素清貧遂以餒  
卒虞撰文章志四卷注解三輔決錄又撰  
古文章類聚區分爲三 卷名曰流別集  
各爲之論辭理極當爲世所重虞善觀玄  
象嘗謂友人曰今天下方亂避難之國其  
唯涼土乎性愛士人有表薦者恒爲其辭  
東平太叔廣樞機清辯廣談虞不能對虞  
筆廣不能答更相嗤笑紛然於世云

### 束皙

束皙字廣微陽平元城人漢太子太傅踈  
廣之後也王莽末廣曾孫孟達避難自東  
海徙居沙鹿山南因去踈之足遂改姓焉  
祖混隴西太守父龕馮翊太守並有名譽  
皙博學多聞與兄瑒俱知名少游國學或問  
博士曹志曰當今好學者誰乎志曰陽平



束廣微好學不倦人莫及也還鄉里察孝廉舉茂才皆不就璆娶石鑿後女棄之鑿以爲憾諷州郡公府不得辟故璆等久不得調太康中郡界大旱璆爲邑人請雨三日而雨注衆爲誓誠感爲作歌曰束先生通神明請天三日甘雨零我黍以育我稷以生何以疇之報束長生誓與衛恒厚善聞恒遇禍自本郡赴喪嘗爲勸農及甦諸賦文頗鄙俗時人薄之而性沈退不慕榮

利作玄居釋以擬客難其辭曰束皙閑居門人並侍方下帷深譚隱几而吟含毫散藻考撰同異在側者進而問之曰蓋聞道尚變通達者無窮世亂則救其紛時泰則扶其隆振天維以贊百務熙帝載而鼓皇風生則率土樂其存死則宇內哀其終是以君子屈已伸道不耻于時上國有不索何獲之言周易著躍以求進之辭莘老負金鉉以陳烹割之說齊客當康衢而味白



水之詩今先生耽道修藝巽然山峙潛朗  
通微洽覽深識夜兼忘寐之勤晝騁鑽玄  
之思曠年累稔不墮其志鱗翼成而愈伏  
術業優而不試乃欲闔匱辭價沉蟠深處  
求戢琳琅之耀匿首窮魚之渚當唐年而  
慕長沮邾有道而反窳武識彼迷此愚竊  
不取若乃士以援登進必待求附勢之黨  
橫擢則林藪之彥不抽丹墀步紉袴之童  
東野遺白顛之叟盍亦因子都而事博陸

憑蠲首以涉洪流蹈翠雲以駭逸龍振光  
耀以敬馬沈鱗徒屈蟠於堦井眇天路而不  
游學既積而身困夫何爲乎秘丘且歲不  
我與時若奔駟有來無反難得易失先生  
不知盱豫之譏悔遲而忘夫朋盍之義務  
疾亦豈能登海湄而抑東流之水臨虞泉  
而招西歸之日徒以曲畏爲桎儒學自桎  
囚大道於環堵苦形骸於蓬室豈若託身  
權戚憑勢假力擇棲芳林飛不待翼夕宿



七娥之房朝享五鼎之食匡三正則太階  
平贊五教而玉繩直孰若茹藿食蔬終身  
自匿哉束子曰居吾將導爾以君子之道  
諭爾以出處之事爾其明受余訊謹聽余  
志昔元一既啓兩儀肇立離光夜隱望舒  
晝戢羽族翔林蟻蚰赴濕物後性之所安  
士樂志之所執或背豐榮以巖栖或排蘭  
闥而求入在野者龍逸在朝者鳳集雖其  
軌迹不同而道無貴賤必安其業交不相

美田稷契奮庸以宣道巢由洗耳以避禪同  
垂不朽之稱俱入賢者之流叅名比譽誰  
劣誰優何必貪與二八爲羣而耻爲七人  
之疇乎且道睽而通士不同趣吾竊綴處  
者之末行未敢聞子之高喻將忽蒲輪而  
不眄夫何權威之云附哉昔周漢中衰時  
難自託福兆既開患端亦作朝遊魏我之  
宮夕墜崢嶸之壑晝笑夜歎晨華暮落忠  
不足以衛已禍不可以預度是士諱登朝



而競赴林薄或毀名自汙或不食其祿比  
從政於匣笥之龜譬官者於郊廟之犢公  
孫泣涕而辭相楊雄抗論於赤族今大晉  
熙隆六合寧靜蜂蠶止毒能罷輟猛五刑  
勿用八紘備整主無驕肆之怒臣無鞶纓  
之請上下相安率禮後道朝養觸邪之獸  
庭有指佞之草禍戮可以忠逃寵祿可以  
順保且夫進無險懼而惟寂之務者率其  
性也兩可俱是而舍彼趣此者從其志也

蓋無為可以解天下之紛澹泊可以救國  
家之急當位者事有所窮陳策者言有不  
入翟璜不能迴西鄰之寇平勃不能正如  
意之立于木卧而秦師退四皓起而戚姬  
泣夫如是何舍何執何去何就謂山岑之  
林為芳谷底之莽為臭守分任性唯天所  
授鳥不假甲於龜魚不假足於獸何必笑  
孤竹之貧而羨齊景之富耻布衣以肆志  
寧文裘而拖繡且能約其躬則儋石之糈



以豐苟肆其欲則海陵之積不足存道德者則匹夫之身可榮忘大倫者則萬乘之主猶辱將研六籍以訓世守寂泊以鎮俗偶鄭老於海隅匹嚴叟於僻蜀且世以太虐爲輿玄鑪爲肆神游莫競之林心存無營之室榮利不擾其覺殷憂不干其寐捐夸者之所貪收躁務之所棄雉聖籍之荒蕪總群言之一至全素履於丘園背纓綉而長逸請子課吾業於千載無聽吾言於

今日也張華見而竒之石鑿卒王戎乃辟瑯華召暫爲掾又爲司空下邳王晃所辟華爲司空復以爲賊曹屬時欲廣農暫上議曰伏見詔書以倉廩不實闕之饑窮欲大興田農以蕃嘉穀此誠有虞戒大禹盡力之謂然農穰可致所由者三二曰天時不僞二曰地利無失三曰人力咸用若必春無霖霖之潤秋繁滂沱之患水旱失中雪襍有請雖使羲和平秩后稷親農理疆畝於



原隰勤蕪藜於中田猶不足以致倉庾盈  
億之積也然地利可以計生人力可以課  
致詔書之旨亦將欲盡此理乎今天下千  
城人多游食廢業占空無田課之實較計  
九州數過萬計可申嚴此防令監司精察  
一人失課負及郡縣此人力之可致也又  
州司十郡土狹人繁三魏尤甚而猪羊馬  
牧布其境內宜悉破廢以供無業業少之  
人雖頗割徙在者猶多田諸苑牧不樂曠

野貪在人間故謂北土不宜畜牧此誠不  
然案古今之語以爲馬之所生實在冀北  
大賈祥羊取之清渤牧豕之歌起於鉅鹿  
是其效也可悉徙諸牧以充其地使馬牛  
猪羊斃草於空虛之田游食之人受業於  
賦給之賜此地利之可致者也昔騅駟在  
坳史克所以頌魯僖却馬務田老氏所以  
稱有道豈利之所以會哉又如汲郡之吳  
澤良田數千頃潯水停滄人不墾植聞其



國人皆謂通泄之功不足爲難烏鹵成原  
其利甚重而豪強大族惜其魚捕之饒構  
說官長終於不破此亦谷口之謠載在史  
篇謂宜復下郡縣以詳當今之計荆揚充  
豫汙泥之土渠塢之宜必多此類最是不  
待天時而豐年可獲者也以其雲雨生於  
畚雨多稌生於決泄不必望朝隰而黃潦  
臻榮山川而霖雨息是故兩周爭東西之  
流史起惜漳渠之浸明地利之重也宜詔

四州刺史使謹按以聞又昔魏氏徙三郡  
人在陽平頓丘界今者繁盛合五六千家  
二郡田地逼狹謂可徙遷西州以充邊土  
賜其十年之復以慰重遷之情一舉兩得  
外實內寬增廣窮人之業以闢西郊之田  
此又農事之大益也轉佐著作郎撰晉書  
帝紀十志遷轉博士著作如故初太康二  
年汲郡人不準盜發魏襄王墓或言安釐  
王冢得竹書數十車其紀年十三篇記夏



以來幽王為犬戎所滅以事接之三  
 身分仍過多至安釐王之二十年蓋魏  
 國之史書大略與春秋皆多相應其中經  
 傳大異則云夏年多殷益于啓位啓殺之  
 太甲殺伊尹文丁殺季歷自周受命至穆  
 王百年非穆王壽百歲也幽王既亡有共  
 伯和者攝行天子事非二相共和也其易  
 經二篇與周易上下經同易繇陰陽卦二  
 篇與周易略同繇辭則異卦下易經一篇

似說卦而異公孫段二篇公孫段與邵陟  
 論易國語二篇言楚晉事名三篇似禮記  
 又似爾雅論語師春一篇書左傳諸卜筮  
 師春似是造書者姓名也瑣語十一篇諸  
 國卜夢妖怪相書也梁丘藏一篇先叙魏  
 之世數次言丘藏金玉事繳書一篇論弋  
 射法生封一篇帝王所封大曆一篇鄒子  
 談天類也穆天子傳五篇言周穆王游行  
 四海見帝臺西王母圖詩一篇畫贊之屬



也又雜書十九篇周食田法周書論楚事  
周穆王羨人盛姬死事大凡七十五篇七  
篇簡書折壞不識名題冢中又得銅劍一  
枚長二尺五寸漆書皆科斗字初發冢者  
燒策照取寶物及官收之多燼簡斷札文  
既殘缺不復詮次武帝以其書付祕書校  
綴次第尋考拍歸而以今文寫之晷在著  
作得觀竹書隨疑分釋皆有義證遷尚書  
郎武帝嘗問摯虞三日曲水之義虞對曰

漢章帝時平原徐肇以三月初生三女至  
三日俱亡村人以為怪乃招攜之水濱洗  
祓遂因水以汎觴其義起此帝曰必如所  
談便非好事晷進曰虞小生不足以知臣  
請言之昔周公成洛邑因流水以汎酒故  
逸詩云羽觴隨波又秦昭王以三日置酒  
河曲見金人奉水心之劍曰令君制有西  
夏乃霸諸侯因此立為曲水二漢相緣皆  
為盛集帝大悅賜晷金五十斤時有人於



嵩高山下得竹簡一枚上兩行科斗書傳以相示莫有知者司空張華以問皙皙曰此漢明帝顯節陵中策文也檢驗果然時人伏其博識趙王倫為相國請為記室皙辭疾罷歸教授門徒年四十卒元城市里為之廢業門生故人立碑墓側皙才學博通所著三魏人士傳七代通記晉書紀志遇亂亡失其五經通論發蒙記補亡詩文集數十篇行于世云

### 王接

王接字祖游河東猗氏人漢京兆尹尊十世孫也父蔚世修儒史之學魏中領軍曹羲作至公論蔚善之而著至機論辭義甚美官至夏陽侯相接幼喪父哀毀過禮鄉親皆歎曰王氏有子哉渤海劉原為河東太守好奇以旌才為務同郡馮叔試經為郎七十餘薦接於原曰夫駢騷不總轡則非造父之肆明月不流光則非隋侯之掌



伏惟明府苞黃中之德耀重離之明求賢  
與能小無遺錯是以鄙老思獻所知竊見  
處士王接岐嶷雋異十三而孤居喪盡禮  
學過目而知義觸類而長斯玉鉉之妙味  
經世之徽猷也不患玄黎之不啓竊樂春  
英之及時原即禮命接不受原乃呼見曰  
君欲慕肥遯之高邪對曰接薄祐少孤而  
無兄弟母老疾篤故無心為吏及母終柴  
毀骨立居墓次積年備覽眾書多出異義

性簡率不脩俗操鄉里大族多不能善之  
唯裴頴雅知焉平陽太守柳澹散騎侍郎  
裴遐尚書僕射鄧攸皆與接友善後為郡  
主簿迎太守溫宇宇奇之轉功曹史州辟  
部平陽從事時泰山羊亮為平陽太守薦  
之於司隸校尉王堪出補都官從事永寧  
初舉秀才友人滎陽潘滔遺接書曰摯虞  
卜玄仁並謂足下應和鼎味可無以應秀  
才行接報書曰今世道交喪將遂剝亂而



識智之士鉗口韜筆禍敗日深如火之燎  
原其可救乎非榮斯行欲極陳所見異有  
覺悟耳是歲三王義舉惠帝復祚以國有  
大慶天下秀才一皆不試接以爲恨除中郎  
補征虜將軍司馬蕩陰之役侍中嵇紹爲  
亂兵所害接議曰夫謀人之軍軍敗則死  
之謀人之國國危則亡之古之道也蕩陰  
之役百官奔北唯嵇紹守職以遇不道可  
謂臣矣又可稱痛矣今山東方欲大舉宜

明高節以號令天下依春秋褒三累之義  
加紹致命之賞則遐邇向風莫敢不肅矣  
朝廷從之河間王顥欲遷駕長安與關東  
垂異以接成都王佐難之表轉臨汾公相  
國及東海王越率諸侯討顥尚書令王堪  
統行臺上請接補尚書殿中郎未至而卒  
年三十九接學雖博通特精禮傳常謂左  
氏辭義贍富自是一家書不主爲經發公  
羊附經立傳經所不書傳不妄起於文爲



儉通經爲長任城何休訓釋甚詳而黜周  
王魯大體乖舛且志通公羊而徃徃還爲  
公羊疾病接乃更注公羊春秋多有新義  
時祕書丞衛恒考正汲冢書未訖而遭難  
佐著作郎束皙述而成之事多證異義時  
東萊太守陳留王庭堅難之亦有證據皙  
又釋難而庭堅已亡散騎侍郎潘滔謂接  
曰卿才學理議足解二子之紛可試論之  
接遂詳其得失摯虞謝衡皆博物多聞咸  
集列女後傳云

以爲允當又撰列女後傳七十二人雜論  
議詩賦碑頌駁難十餘萬言喪亂盡失長  
子愆期流寓江南緣父本意更注公羊又  
史臣曰皇甫謐素履幽貞閑居養疾留情  
筆削彫悅丘墳軒冕未足爲榮貧賤不以  
爲耻確乎不拔斯固有晉之高入者歟洎  
乎篤終立論薄葬昭儉既戒奢於季氏亦  
無取於王孫可謂達存亡之機矣摯虞束



督等並詳覽載籍多識舊章奏議可觀文  
詞雅贍可謂博聞之士也或攝官延閣裁  
成言事之書或莅政秩宗參定禋郊之禮  
虞既厄於後理督乃年位不充天之報施  
何其爽也王接才調秀出見賞知音惜其  
夭枉未申驥足嗟夫

贊曰士安好逸栖心蓬草屬意文雅忘懷  
榮秩遺制可稱養生垂術摯虞博聞廣微  
絕群財成禮度刊緝遺文魏蕭式序漢冊  
斯分祖游後出亦播清芬

列傳第二十一

晉書五十一

音義

癡丑之痺必至鞅於兩喑於吟磴口前睨

五計反隣力神臙頻忍劫居怯負蘇果較音

扁薄法反又摯音榛士臻咳苦愛喻許及

麤古猛贄音彘作千纁音璠于捫音哈

下緝反阮口庚掬祖古蘧渠蔭除齋即奚附音



發音黃璜音黃寬五音燔音緹他音蜩音繇音

斯音燧音殿丁音練影音豐音筐音懸音韓音

畢上音韋下音輓反吸反廩力音纒音鷓音鵠音逐音汎音

遙且音子朗音凱音溥音益音五音歷音舳音艦音二音盧音汎音

敷音劔音漂音冕音咸音蓐音犀音濇音六音敢音苦音濫音反

倂音倂音嚮音也彌音箭音黔音婁音句音俱音距音之音石音反

以音同音坤音攘音人音常音永音歎音他音安音孤音羽音反音鸞音鳥音

還音殪音於音計音軾音輶音上音魚音綺音反音屆音古音拜音旃音之音然音

爍音書音藥音焱音標音穢音纒音上音息音廉音反音儻音儻音儻音儻音儻音

貌也音牛音炫音闔音翳音上音蓋音湯音下音青音所音景音算音

於音休音奧音烏音到音圮音符音鄙音岷音旻音朝音鮮音上音持音遙音

仙音貊音栢音慙音徒音對音重音譯音亦音邛音冉音渠音容音反音駸音

巨音追音囊音高音猗音於音離音勰音叶音絳音闕音上音胡音卦音反音侶音

詔音澍音注音椽音象音餒音奴音罪音皙音錫音龕音堪音鹽音反音街音

台音火音才音烹音撫音庚音咏音詠音深音識音叶音韻音蟠音盤音長音沮音

七音余音反音又音援音院音鮪音秋音埴音坎音盱音况音于音桔音古音

反音桎音質音藿音音音霍音蟻音蛸音上音厥音嶂音嶒音上音士音耕音反音

蠶音丑音芥音拖音徒音可音稽音丑音六音夸音苦音瓜音薤音池音計音反音



綏濡佳反霽霽二音滂滂上音施施下音郎郎反零音于

疆疆反公公反犬犬反蔗蔗反南南音喬喬音藜藜反古古本特特反祖祖反桑桑反清清反渤渤反瀟瀟反

二二音郡郡反齒齒反胡胡反結結反又又反驩驩反駟駟反下下反敷敷反悲悲反反反反垆垆反古古音螢螢反

汀汀反直直反呂呂反滂滂反音音反鳥鳥反鹵鹵反二二音魯魯反塢塢反為為反古古音甫甫反初初反洽洽反稌稌反

反反反陸陸反古古音濟濟反即即反奚奚反崇崇反詠詠反不不反準準反不不反音音反甫甫反鳩鳩反共共反伯伯反恭恭反

繳繳反灼灼反燼燼反疾疾反刃刃反洗洗反被被反音音反拂拂反又又反駢駢反駢駢反息息反營營反破破反愛愛反

反反反從從反理理反即即反容容反







